

之號劍樹化爲壽禮眞皇洞神之尊火翳成清暑空洞非迹咸
見同聲救罪人飛天神王由是委氣聚功德化形十方界道言
諸大天尊作頌仰尊顏自有無鞅數眾神魄如在逕上元始天
宮靈識昭然超度三界苦趣三塗八難勤學無爲六道四生自
悟眞道無名無我逍遙乎清淨之鄉不迷不荒超脫於虛無之
岸稽首諸仙眾頌畢舉聞經

跋

跋上清靈樞山雷火雲秘法

關尹子曰衣搖空得風氣噓物得水水注水卽鳴石擊石卽光
知此說者風雨雷電皆可爲之蓋風雨雷電皆緣炁而生炁緣

道藏輯要

白眞人集

四

五

雙集四
X。川

心生猶如內想大火久之覺熱內想大水久而覺寒知此說者
天地之德皆可同之仙人譚景昇化書云動靜相磨所以化火
也燥濕相蒸所以化水也水火相勃所以化雲也湯盎投井所
以化雹也噴水向日所以化虹霓也由是知風雲可以命霜雹
可以致陰陽可以召五行可以役愚嘗得其說矣因著數語以
跋法書之後使學仙奉法之士有所稽考毋疑焉

頌

鶴林傳法明心頌二首

萬法從心生心心卽是法語嘿與動靜皆法所使然無疑是眞
心守一是正法守一而無疑法法皆心法 法是心之臣心是

法之主無疑則心正心正則法靈守一則心專心專則法驗非法之靈驗蓋汝心所以

狗子佛性頌 僧問趙州狗子還有佛性也無州云無乃為之頌云

雨過西風寒蒼苔封戰骨可憐老將軍飲馬長城窟

銘

慵菴銘

丹經慵讀道不在書藏教慵覽道之皮膚至道之要貴乎清虛何謂清虛終日如愚有詩慵吟句外腸枯有琴慵彈弦外韻孤有酒慵飲醉外江湖有碁慵奕意外干戈慵觀溪山內有畫圖

道藏輯要

白真人集

四

去

婁集四

慵對風月內有蓬壺慵陪世事內有田廬慵問寒暑內有神都松枯石爛我常如如謂之慵菴不亦可乎

日損銘

周唯道遁玄域窮太始索太易知良兌即山澤省念慮究玄曠樽交游樂虛寂謹言語節飲食薄嗜好減思索宇泰定室虛白返真觀習定息絕世事得慧力道日損學日益即此是真端的

偈 金剛經偈寄示西林總長老

以字不成八字不是如是我聞早落第二

喜無憂求偈